

TXIKIZKAKO MERKATARITZAREN INDIZEA (TMI), 2005eko 3. hiruhilekoa

Euskal AEko txikizkako merkataritzaren sektorean, salmentak %2,1 hazi ziren 2005eko hirugarren hiruhilekoan

Merkataritza espezializatuaren salmentek %1,8ko urte arteko hazkundera izan zuten, eta espezializatu gabekoaren salmentek, berriz, %2,7koa

Eustatek emandako datuen arabera, Euskal AEko txikizkako merkataritzako sektorearen salmenta nominalak %2,1 igo ziren 2005eko hirugarren hiruhilekoan, aurreko urteko denboraldi beraren aldean. Hazkunde nominal horri prezioen igoeraren ondorioa deskontatuta, %1,7ko urte arteko bilakaera-tasa lortzen da, positiboa hori ere, termino errealetan.

URTE ARTEKO HAZKUNDE-TASA ERREALAK. EUSKAL AE

URTEA	HIRUHILEKOA	TXIKIZKAKOA	ESPEZIALIZATUA	EZ-ESPEZIALIZ. (AZAL. ERTAIN ETA HANDIAK)
2003	III	2,1	2,1	2,1
	IV	2,8	3,1	2,3
2004	I	1,5	1,2	2,1
	II	4,4	7,0	-0,5
	III	5,4	7,2	2,3
2005	IV	5,2	7,7	0,2
	I	1,3	2,8	-1,7
	II	2,9	2,9	2,9
	III	1,7	2,6	-0,1

Iturria: EUSTAT

Betiko txikizkako merkataritzak (espezializatua) salmenta nominalak %1,8 gehitu zituen 2005eko hirugarren hiruhilekoan, 2004ko aldi beraren aldean. Igoera nominal hori, bere azpisektoreen prezioen bilakaeraren ondorioz, %2,6ko urte arteko hazkunde-tasa bihurtu da termino errealetan.

Azalera handi eta ertainetako txikizkako merkataritza (espezializatu gabea) %2,7 igo zen hirugarren hiruhileko horretan, termino nominaletan. Aitzitik, urte arteko tasa errealaren aldakuntza, 2004ko hiruhileko beraren aldean, %-0,1ean zenbatetsi zen.

Txikizkako merkataritza espezializatuan, urte arteko hazkundeko tasarik handiena Bestelako kontsumo-ondasunak sektoreak lortu zuen. %9,7ko hazkunde nominala izan zuen; termino errealetan, %13,9koa. Pertsonen ekipamenduko ondasunek, berriz, bilakaera zuhurragoa izan zuten: %1,6koa euro arruntetan. Bilakaera %1,5ean

zenbatetsi zen, euro finkotan. Etxeko ekipamenduko ondasunek, berriz, bilakaera negatiboa izan zuten: %-4,9koa termino nominaletan, eta %-5,0koa termino errealetan. Elikagaien salmentek %0,1 egin zuten atzera termino nominaletan. Termino errealetan, oster, %-3,5era iritsi zen jaitsiera. Azalera ertain eta handiei dagokienez, elikagaiak nagusi diren azpisektoreek %3,1 gehitu zituzten urte arteko salmentak; gainerako produktuak nagusi diren sektoreek, aldiz, hazkunde neurritsuagoa izan zuten, %0,3koa.

Lurralde historikoetan, 2005eko hirugarren hiruhilekoan, txikizkako sektoreko salmenta nominaletan Bizkaian izan zen hazkunderik handiena, %4,1eko urte arteko gehikuntzarekin. Txikizkako merkataritza espezializatuko salmentak %4,0 hazi ziren, eta espezializatu gabekoarenak, %4,1.

Arabak izan zuen lurralde-bilakaerarik txikiena, %0,8koa. Merkataritza espezializatuko salmentak %0,1 murriztu ziren, eta %2,4 gehitu espezializatu gabeko sektorean.

Gipuzkoak lurralde-bilakaera ertaina izan zuen txikizkako merkataritzako salmentetan: %2,0koa. %1,6ko hazkundea izan zen txikizkako merkataritza espezializatuaren salmentetan, eta %2,9koa azalera handi eta ertaineko salmentetan, betiere urte arteko aldakuntza nominaleko terminoetan.

Txikizkako merkataritza-sektorean enpleguaren hazkundea, aurreko urteko hirugarren hiruhilekoaren batez bestekoaren aldean, %2,1ekoa izan zen. Lurraldeka honela banatu zen: Bizkaian %3,1 hazi zen eta Gipuzkoan %1,5, baina Araban jaitsi (%-0,2). Gainera, txikizkako merkataritza-sektore honetako langile okupatuen kopurua, 2005eko hirugarren hiruhilekoan, %1,3 igo zen 2005eko bigarren hiruhilekoaren aldean, Euskal AE osoko datuen arabera.

Argibide gehiago nahi izanez gero:

Euskal Estatistika Erakundea / Instituto Vasco de Estadística

Donostia-San Sebastián kalea, 1 01010 Vitoria-Gasteiz

Tl.:+34-945-01 75 00 Fax:+34-945-01 75 01 E-mail: eustat@eustat.es

Harremanetarako pertsona: Gerardo Pérez Aja

Tlf:+34-945-01 75 06 Fax:+34-945-01 75 01

Prentsa-oharrak Interneten: www.eustat.es

Datu-bankua: www.eustat.es/bancopx/euskara/indice.asp